

敬

一

堂

詩

鈔

敬一堂詩鈔卷三

混同顧八代文起著

桐城方苞望溪輯

五言律詩

觀松

萬卉隨時變蒼松性不移  
風霜凌直幹冰雪抱孤枝  
不減巖間色生成世外姿  
祇因耽樸瘦轉與歲寒宜

寄白雲山人

久聞林壑勝何術構仙居幽鳥時來去閒雲自  
卷舒溪光侵几榻山影逼堦除况似桃源裏桑  
麻種有餘

自嘲

偶因詩遣興覓字懶推敲且析尚書義還研周  
易爻晨昏惟攬卷行坐自貽嘲別有心凝道非  
夫漆與膠

東山卜居未果有作

因懷綠竹嶼無憶白雲岑山色如懸畫溪聲似

鼓琴煙開林壑近堂隱薜蘿深若遂巖栖志何  
慚抱膝吟

負約

寄言林壑好邀我共逍遙古洞雲仍掩陰崖雪  
未消祇因懷至道應不厭鳴瓢久負尋幽約青  
山空見招

何日

案近攤書便溪遙理釣稀山雲生翰墨池柳變  
芳菲非負尋山約因忘抱甕機此心隨鳥去何

卷一 詩言金 卷二 二  
日到巖磯

偶成

靜默中虛久閒看萬物宜探源如有得窮理自  
無疑真境非難覓靈根只自知鳶魚聊可賞富  
貴復何爲

菊秋

明月有時有清風無日無一園惟屬菊三徑未  
全蕪秋色偏增興村醪豈用沽晚來鴻雁至背  
月度江湖

卜居東山

一杖隨幽意千峯如畫圖  
卜居灤水畔築室龍山隅  
地僻人蹤絕林深客夢孤  
悠然塵世外花鳥共清娛

別墅勝槩

啼鳥檐前樹爨煙隴上村  
常憐雲出岫不厭竹遮門  
濟物心空切移山志漫存  
惟尋巖壑勝聊以慰晨昏

春遊碧雲寺

敬一堂詩鈔

卷三

五言律詩

三

碧雲山色近玉洞水聲遙閣影方交午林花半  
未彫鳥鳴陰澗樹人度斷崖橋偶爲尋春至悠  
然萬慮消

別墅

就荒開別業意趣竟如何地隱林巒密山藏澗  
壑多雲花浮釣艇谷草結漁蓑倦去松間坐科  
頭一放歌

春日山林

郊外氤氲處春山帶夕陽村煙交樹色雲影蕩

溪光花逐魚翻浪風隨鳥度黃野人無限趣能使俗情忘

東莊晚秋

落葉滿山莊西風到草堂蓼連紅豆熟菊引白蘋香把釣尋漁父放歌笑楚狂晚來開卷處秋月照繩床

思文

伊人久不見徑草日滋生竹裏思扶杖池邊想濯纓檢書留共解蓄酒待同傾涼月蕭蕭夜誰



同秉燭行

草堂遣興

著書心念細種竹興偏幽  
酒熟頻留客詩成乍解愁  
因乘明月坐似與白雲遊  
徙倚虛堂外風聲萬樹秋

寄山人

損益分三友陰陽別九流  
餐霞人亦老辟穀術空求  
松引王喬鶴波隨范蠡舟  
知君山水癖更爲白雲留

寄千山老人

磻戶雲來徃山窗鳥去留林間開野徑蘆裏繫  
漁舟採藥千峯上看雲亂水頭三桮非所貴抱  
道自悠悠

看落梅

一自寒冬放羞同桃李花輕搖四五片飛落兩  
三家檐下何曾點笛中已自賒年年冰雪後吟  
賞不須嗟

寄友山居

問君何所適簾外有青苔竹逕清風細松窗明月來綠蘿如印綬翠嶂似樓臺只在園中望柴關久不開

秋夜聞笛

折菊向東籬高空雁唳時梅花三弄靜玉笛數聲吹蕭索秋偏冷悠揚夜更悲霜清兼月白風韻動遐思

賦得衣露淨琴張

空林春夜靜月色已西沉衣冷花間露風清膝

上琴徽絃聲欲澁衫袖氣猶侵閒誦杜陵句干  
秋愜我心

暇日吟

圖書四壁滿松竹一庭深遠意看飛鳥清風吹  
鼓琴舉杯邀月飲坐石對花吟即此成幽賞何  
須物外尋

贈父山居

君尋林壑去得遂隱居心麋鹿同爲友谿山自  
弄琴草衣忘得失塵事任浮沉高興因鴻便還

須寄一吟

適意

淡覺味長淡醺燠酒不醺希聲非是律無臭復  
何芬大器寧妨缺中庸豈在文敢言富與貴於  
我若浮雲

真樂

潛居窮妙理隨以養心神陋巷情偏洽曲肱道  
自親有容愁乃少無欲樂方真更得書中趣終  
年友古人

別墅

地僻囂塵絕林空心跡寬  
希賢思傅築把釣覓  
嚴灘花鳥情偏洽  
煙霞興未闌  
東山饒勝蹟  
吟卧有餘歡

灤溪別業

濟世原無策棲林任不材  
室從山畔築門向水  
邊開建嶺開樵逕  
灤溪作釣臺  
窈冥人莫到時  
有白鷗來

盧龍別業

言金 卷三  
築室松巖下垂綸石瀨間舟隨秋水遠心與野  
鷗閒偶泛湖中月時看雲外山夜來欹枕望蓬  
戶不須闌

與友人言懷

閒居惟樂道守拙更甘貧蕩蕩思君子栖栖羨  
隱淪只因同氣合愈覺兩心真大雅非湮沒猶  
存我輩人

東山勝遊

曠覽盧龍蹟層巒每日躋巖鋒穿客履船漏繫

灤溪涉水梁無阻披雲路恐迷詩多留古寺滿  
壁任吾題

自慰

甘貧輕<sub>出</sub>貞物歸隱笑樗材書引穿繩榻瓶教折  
雪梅看雲時倚樹對客偶啣杯浪詠隨吾意詩  
成懶更裁

偶成

偶卧希夷枕閒參邵子書前知猶未得高隱竟  
何如竹樹憐吾種田園憶自鋤幽人欣偶至還



言一  
與話山尼

書懷

懶性耽幽况東山卜小園花邊鋤野菜松下整  
柴門觀水新溪淨拊膺古道存平生浩然氣不  
爲滿乾油

雜題

多慮愁何益忘機樂且耽逃名非自得揮麈只  
空談鯢衣宜藏北鵬飛漫向南由來輕與重長  
路復誰擔

推窓

推窓聊自適守一莫猶疑對面花空笑隔心鳥  
豈知竹間環藥圃茶竈近書帷疎放應無礙閒  
中歲月空

村居漫興

浮雲心自遠野趣興偏長摘菊疎籬下看山老  
樹旁薄田種始熟新釀酒初香每愛松間月清  
輝照草堂

敬一堂詩鈔卷三

敬一堂詩鈔卷四

混同顧八代文起著

遼海盛 安仰山輯

五言律詩

率師乘舟進剿西粵

萬弩沿江泊乘風掛布帆  
旌旗懸日月金鼓振  
岑巖潮至波無岸瘴來黑滿衫  
三軍揚武日毒  
草未全芟

追剿吳逆路經勾漏不遑遊覽

倉卒逢遺蹟寧能駐驕驍  
戈翻催日短笳更引  
途長縮地懷仙術登臺憶羽裳  
遙瞻勾漏宅紫  
氣尚微茫

江亭看月

一輪東泣月皎皎耀清光  
水氣生江白天風落  
桂香閒亭耽寂寞孤客立蒼茫  
更起京華望歸  
思萬里云

江畔小園

半畝園堪賞閒遊玩物情  
落花浮逕水飛鳥度

江城日暮山無色風來竹有聲  
亭臯今夕月皎皎爲誰明

春二雪中登蒼梧閒眺

凭欄聊一眺春色淡清襟  
江暗煙雲合雪埋花木深碧  
片飛亂絮瑤嶼表孤心  
獨立天涯客拊膺只自吟

琪園宴會

暫憇琪園閣羣英氣逼霄  
樽肴留客醉絲管爲誰調  
目蔽南山近心懸

北闕遙諸軍休息日吟對正無聊

蒼梧夜泛有感

邀客殷勤意攜樽夜泛舟江明山吐月荻冷夜  
鳴秋烽燄終須靖煙波不負遊莫希接羅醉驗  
嘯自風流

九日番營總戎載酒相邀涉江登三合山  
遠眺

幾菊霜華放三峯爽氣高番營嘶駿馬戎鎮載  
瓊醪萬仞懸登眺半空散鬱陶回看江一線百

里見秋毫

味鎮南舟師自九曲赴蒼梧會撫蠻滅寇  
傅大將軍議勦滇池有作

昨日臨山澗今朝渡曲河鎮南軍今肅滅寇甲  
兵多謾蟒憑留後云吳必倒戈中流分去住銅  
柱意如何

與諸將

參謀非武士聊共涉山川靖粵刀鋒鈍平滇鎧  
甲穿盤江親戰後寶劍此生捐惟謝諸營將長



吟大樹邊

登蒼梧白鶴樓

萬樹含春日千山帶曙霞客心懸

帝閼詩思寄天涯桴鼓平城久韶鈴粵地賒登樓非  
遣興仍自望京華

白鶴樓觀敵

俯檻西樓望致人索敵情兩江虛滅竈一郡伏  
奇兵多算方爲策擒王豈在爭待勞原以逸八  
陣自縱橫

江行

明月隨舟轉漁歌接暮笳  
穿蘆驚宿鷺把琰飲  
流霞兩粵還爲客三江  
不見家獨懷平寇志豈  
憚到天涯

蒼梧郎觀察招飲

故人方乘興邀我上層樓  
月色孤城夜風聲老  
樹秋黃花開醉眼紅燭  
照科頭萬里瀟湘路無  
端共遠遊

題李參戎園亭

閒園人去後花柳自多情山色迎窓翠溪光入座明  
鳥因晴後語犬爲客來鳴拂壁聊題句何須留姓名

琪園晚霽

浮雲開曙色晚霽悅山光雨洗林巒靜風吹草木香  
三江增細浪兩院浥群芳散步襟懷爽何須憶故鄉

同諸郡副使太守登白鶴樓憑眺

偶同黃綬客極目象山頭白鶴樓空在清江水

自流那堪烟瘴地更值戰爭秋他日滇南靖重  
來好共遊

述舊

詞臣手執鐔銜

命事征南間外需軍畧營中豈塵談邕州多灾侵  
柳郡盡煙嵐但使滇池靖無功亦自甘

有感

制勝全憑算破堅惟在精鎮南偏許智滅寇誤  
談兵更惜交承廕

撫蠻滅寇大將軍傅公失機  
後乃與降將馬承廕交善一

言一 言金  
日承雅招飲隨汎舟而空言遣費宏公料承陸必叛須遣  
去因無救援尋見殺  
將備於下游斷其歸路數言於辨公  
未之能從既知傳公被害悔無及矣  
佇看舟去  
遠未得救其生

登白鶴樓晚眺

極目危樓晚登臨感異鄉山光交樹色江影倒  
帆檣空壘生春草懸旌蕩夕陽鎮南軍令肅戰  
地盡農桑

邕江畫策

艱鉅封疆事辛勤畫策長旌旗應暫掩弧矢不

須張八陣圖猶在三軍氣正揚何愁難制勝衆  
寡不相當

將進滇池臨行哭別蟒鎮南

停驂悲舊館入室拊公床有淚沾衿袖無心奠  
酒漿百身安可贖萬里只徒傷想到慈親在爲  
君欲斷腸

息兵德慶遊香山朝明寺

刹古殘僧少林空驚鳥高藤蘿牽斷碣鐘鼓動  
靈鼇雲過山疑雨松鳴韻類濤暫時名利絕甲

仗愧方袍

懷故鎮南將軍蟒公

直道開三路仁聲震九州名無慚後世功豈讓  
前儔正氣乾坤著忠心日月浮誰能除殺戮志  
不在封侯

聞蟒鎮南入五公祠

入享仙坡祀將軍遺像清生能禦強寇死以衛  
蒼生一氣還天地千秋表姓名五公如有識此  
日復何情

南寧道上

皇天眷

大清加惠我蒼生已慶桑麻盛還欣戰壘平山煙  
連樹迥漁火隔江明獨恨陰風夜頻聞鬼哭聲

滇池晚遊

一櫓蕩輕舟驚飛無數鷗燕人頻北望滇水更  
南流鷺泛晴波漾烟凝晚翠浮石鯨風已靜明  
月滿汀洲

邕城聞笛



邕城聞玉笛偏起故鄉情  
楊柳空含意梅花落  
有聲關山風自冷  
霄漢月孤明  
一夜愁難寐  
應教白髮生

久駐鄉樓

草閣螺山下久居  
興轉幽月臨西嶂  
白風入北窓  
秋無日紆籌策  
有時望斗牛  
疎櫺憑已熟  
何事更淹留

螺山有感

謀攻其不備  
千里暗兼程  
洪水朝飛渡  
石門夜

奪營六奇恢草壩一計取滇城所惜昆明事功  
非綏遠成公意急取銀鏡山而滇城可下數言  
之賴公不聽尋趙公至用公計取銀  
鏡山遂  
下滇城

### 遊螺山

多時居蠡窟今始陟螺山絕澗憑梁渡懸巖借  
索攀撥雲升嶺上入洞隔人間歸路復何見桃  
花水幾灣

### 邕江晚春屬目

江水清何極春芳誘賞心山容花未歇鶯語柳

敬一室詩鈔

卷四 五言律詩

八

初深殘日啣高嶺孤雲綴片陰年來軍旅事偏  
使二毛侵

邕府贈別友人回京

他鄉同作客惆悵送君行握手暫爲別臨岐空  
復情暮煙千嶂合落照萬峯晴策馬循歸路何  
時到玉京

雲南

地曠山雲合城高氛氣收碧雞晴翠靜金馬晚  
煙浮已喜承平日還欣乃有秋江流前路穩萬

里送歸舟

北泛洞庭

振旅風帆急移舟望岳陽波中分七澤雲外指  
三湘水濶山疑小時清晝覺長

王師歸念切旌旆自悠揚

敬一堂詩鈔卷四

敬一堂詩鈔卷五

混同顧八代文起著

長洲沈德潛歸愚輯

五言律詩

雜咏

時搜石室富日覺寸心清  
活潑鳶魚趣悠閒山水情  
一窗含月色萬樹動秋聲  
借以滌塵慮因之慰此生

其二

探原窮物理無復問人情履道還思道成名轉  
厭名孤琴依竹弄一鳥隔花鳴已得逍遙趣更  
教心跡清

其三

清琴誰更聽古調我還歌抱道黃金遠歸林白  
髮多鳥偕吟韻洽花笑醉顏酡宜我衡門下棲  
遲意若何

其四

潛居甘淡泊涉世不須明直內隨人事虛中鑒

物情鏡花空有象  
畫鳥自無聲  
靜會窮通理  
悠然天地清

其五

疇昔忘奇略  
從今遂隱淪  
行藏吾自老  
顯晦日常新  
閒放籠中鳥  
時祛几上塵  
蒙

恩歸獨卧

聖主眷孤臣

獨樂

窮居甘淡泊  
古硯日躬耕  
慮淡塵方遠  
心虛體



自輕觀天無一物鑒水有餘清別有詩中樂孤  
吟寄此生

自敘

幸遇唐虞世長懷稷契心致

君頭已白報

國意空深執事憎狂瞽

朝廷鑒素忱平生耽志學老更惜分陰

茅屋漫興

典盡朝衣後一囊喜更輕捲簾空四壁計室只

三楹冬屆林無葉春回谷有鶯長吟聊自適捨  
此復何情

偶感

勁風吹草木溪冷雜砧聲已悟漆園夢空懷鑑  
曲情澹煙連野水殘月落孤城林卧未全隱蹉  
跎愧此生

東莊

溪近垂綸便山深野趣長短塙環半畝喬木蔭  
微涼地僻逢人少年衰採藥忙東莊清寂甚吟

嘯任疎狂

聞耿副都統新擢左都喜而有作

安貧隨我分濟世喜賢良  
願見都俞美空知籌策長  
讜言欣道在抱膝笑機忘  
老病雖高枕心猶懸

日旁

北窗

草堂無俗物鄴架有奇書  
坐此北窗下悠然見太初  
徘徊青史案夢寐白雲居  
遙謝灤溪月空

懸待荷鋤

草堂即事

已有會心處應無俗累營蓬門耽陋巷丹竈隱  
神京窮易思康節讀騷歎屈平晚來風雨至蕉  
冷一窗聲

閒吟

頻年衡意慮猶未靜心魂雖得東山趣寧忘  
北闕恩傳巖還可適巖瀨豈空存閒步淅溪側垂  
綸非避喧

其二

春光淡入戶淑氣靜開軒  
抱膝研經義澄心探  
化源興來耽野趣客至晤  
方言君問箇中味乾  
坤酒一樽

述懷

志略如江遠謨謀似燭明  
邊陲憐士卒

殿陛折公卿老去心空壯  
愁來酒自傾諸君猶自  
顧何以慰平生

其二

乘風曾破浪渡海豈稱功高繫千秋鏡俯窺一  
世雄老惟詩塞白顏借酒增紅莫報花開謝高  
眠萬事空

結字

結字依山麓茅齋幾日成籬環秋菊秀林帶暮  
煙清枕石琴爲伴尋詩鶴共行夜來休秉燭還  
有月華明

寄山人

野墅風光淡田廬水石清空山時見鹿喬松

聞鶯愛月多忘寐尋源忽遠行  
羨君無物欲應不愧平生

獨坐

獨對蘭膏坐披函欲四更秋聲  
楓葉落夜靜砌蟲鳴蓬髮隨時  
益金丹無日成古人俱已沒何  
處覓初平

偶吟

一官匏繫久琴鶴是良朋從俗情  
難愜超羣愧未能鑒人寧似水致  
用豈如繩樗木終非器長

吟但撫膺

老況

青山吾自老白首與誰儔  
扶杖如風草忘機似  
海鷗常思親卧榻不敢妄登樓  
日暖朝方起春  
仍戀敝裘

雜咏

心空常自淡機息命長安  
荆玉休言玷隋珠莫  
戲彈埋輪空自適挾瑟爲誰歡  
偶向蘇門嘯縣  
看宇宙寬



目慨

舊跡山空在年光水自流青春傷落寞白髮愧  
淹留已息乘風志寧忘釣月遊平生無物累高  
枕復何憂

聽朱楚珩與齊祇菴談中秋之詩因而有  
作

遂余疎懶意十載掩柴關久乏中秋興空耽此  
夜閒新詩憑客話舊史任吾刪更憶盧龍趣流  
光月滿山

自遣

老病成真隱  
支離滯遠遊  
白雲空結念  
黃葉已添愁  
千卷人誰破  
一杯我自由  
莫尋魚鳥趣  
高卧意悠悠

自嘲

兩江今夢幻  
六詔昔紆籌  
志豈隨雲散  
心空逐水流  
白頭無日黑  
紅葉逐年秋  
安得延齡術  
長生到處遊

癡樂

敬一堂詩鈔

卷五

五言律詩

七

已得山林趣無勞湖海遊老寧嫌白首心豈羨  
滄洲但覺癡爲樂誰知祿益愁此身何所似天  
地一虛舟

樓居

衰老耽幽況閒情喜住樓迎風偏卻暑看月更  
宜秋行易鄭崇履寒增晏子裘十年閒抱膝白  
髮任盈頭

適情

老病宜藏拙疎慵得養心青雲非所意白髮任

相侵門外無塵跡  
林中有素琴一彈一自適  
何必待知音

感懷

至道誰能悟  
高風只自欽  
詩書諧夙志  
山水是知音  
隱几非懷古  
掩扉莫問今  
年來存夜氣  
以此靜吾心

述懷

孤清高士志  
忠恕古人心  
抱道違塵世  
括囊返舊林  
勞謙酬白髮  
征邁寄清襟  
習靜忘家累

露歲月深

書懷

微績留滇粵高懷感古今雖非調鼎用未減濟  
川心汲黯原非戇濂溪自有箴前賢遺訓在老  
更惜分陰

自適

老來欹角枕病去展詩函扶杖依花立披襟與  
客談未能開萬卷何用載雙柑容膝寧求廣松  
間自結菴

其二

鏡中惟白髮門外只青山  
野水心同靜孤雲意自閒  
偶行花徑裏時坐竹林間  
每到無人處長歌帶月還

草堂紀事

解組歸林卧窮通不復占  
頻年常謝客終日只垂簾  
啼鳥空相喚高雲久不瞻  
自憐貧未甚甌窻有壑鹽

敬一堂詩鈔卷五

敬一堂詩鈔卷六

混同顧八代文起著

長洲彭啓豐芝庭輯

五言律詩

草堂即事

高枕夢寬爽杜門心跡清未知塵事少但覺道  
心萌寡欲一身健忘機萬物輕假年堪讀易豈  
獨謝浮名

陋巷



高一卷言金 卷二  
陋巷時驚駟虛堂獨隱人門連三逕草幕染十  
年塵宗伯身雖退

王師道尚遵長吟堪抱膝欣覩世風淳

自慨

晚年無所欲惟與道相親室小堪容膝囊空但  
樂貧朱華林外落白髮鏡中新直慙平生病捫  
心可對人

其二

豔服人多指高名世所憎不煩丹竈火何用玉

壺冰

北闕終須戀東山未忍登春來花與鳥聊爾作良

朋

慨昔

計可一言決名誰千古存囊籌今已盡聚米久  
無痕白髮枯荷露青山老樹根惟留心血在只  
爲報

君恩

獨坐有感

志在煙霞裏心懸

廊廟間衰殘增白髮勞瘁減紅顏涉世乾坤靜歸  
林歲月閒春城花鳥徧獨坐感雲山

因友人還都漫詠

偶住東山下蹉跎抱病時因君京洛去動我子  
孫思黃鳥啼何處梅花落幾枝都門有桃李春  
日正遲遲

遙憶東山

山中堪習靜茅屋自凝神久苦勤勞事今閒老

病身泉源偏益壽巖壑不嫌貧何事不歸去淹  
留厭市塵

晚節吟

分陰焉可忽垂老愈加勤續燭裁新句調琴識  
斷文飛沉情所異天地意何云晚節宜高枕休  
言更解紛

自責

迂疎迷仕路慙直復何情已忝

諸王傳空慚宗伯名牽裾心自切解組意還輕

曾與

廷臣列希賢耻未成

書懷

時清宜自適一杖任狂疎  
碧水千秋鑑明燈萬卷書  
人同山靜默心與道空虛  
報

國情誰眷低懷悵有餘

其二

素懷酬

國志白首住山情日月今猶古  
江河濁與清一身

蕭散老萬事等閒輕更喜乾坤靜窮經寄此生

漫成

何處尋幽賞扶筇立釣磯觀魚頻易餌與我共  
忘機邂逅情非偶逍遙世所稀不知林外鳥何  
事亦歸飛

感懷

半畝春卿宅一區光祿田孤清酬夙志澹泊守  
殘年涸轍魚難逝枯松鶴尚眠淹留岐路晚何  
日寄林泉

言金 卷二  
四  
憶龍山別墅

庚辰曾卜築辛巳結茅廬門引山光近窗含月  
色虛樵歌朝更聽車跡歲應疎如此幽閒地胡  
爲久不居

漫詠

枉直紅塵世行藏老病軀意隨雲共遠心與月  
同孤磬折憑誰效疎狂且自娛人生無百歲何  
必計榮枯

其二

愛月長吟坐宵分獨不眠蛩聲來座右松影下  
窗前曠達須懷古窮通莫問天饔飧堪養老倚  
野有圭田

北窓感懷

事過人宜老衰年病久歸常將書作友未與道  
相違一榻羲皇世生平董子帷隔窗憐倦鳥何  
事暮還飛

其二

天遠丹心近年衰浩氣微但將塵慮息非與世情違



小榻容高卧涼風吹敝衣偶來珠履客童僕笑  
輕肥

雜詠

歸林無俗事閒病不妨多習靜惟高枕看花偶  
放歌襟懷耽寂寞歲月任銷磨更憶東山趣何  
時策杖過

其二

歸來何所事一卷是生涯病減花偏放詩成酒  
未賒短牆春映日老樹暮啼鴉別有人間樂休

嫌雨鬢華

其三

青山樓隱處桃李間  
桑麻移竹開三徑  
藏書漫五車  
田疇春雨足  
林壑夕陽斜  
野老荷鋤返溪橋  
四五家

建昌別墅

跡隱建城下心  
蘇冷口前依松  
苦草舍鑿石引  
流泉啼鳥催晨  
起閒雲伴晝眠  
方知巉壑趣此  
處可忘年

其二

病後築新圃老來棲舊林  
山空草木秀地遠水雲深  
坐石懷千古觀書惜寸陰  
太虛無一物可以慰吾心

其三

陶情須澹泊養拙任痴頑  
止水心同靜行雲意共閒  
偶吟松檜下還坐戶庭間  
寄語塵中客誰來更買山

其四

殘軀歸故里謝病隱盧龍架上三千卷門前四  
五峯古今存直道巖壑託孤蹤久與紅塵隔高  
眠萬事慵

其五

看雲松下坐月出更彈琴久卻黃粱夢寧求白  
雪吟經綸非所憶花鳥是知音雖飲貪泉水尤  
清老病心

林下

歸林無別術惟自淡心胸持釣臨秋水攜琴倚

古松有時還見鹿無日不看峯一杖隨吾意機  
忘世事慵

慨老

但盡平生志難酬

聖主恩漫愁無舊業還喜有荒園參贊兩江靖起居  
六詔存乾坤容白髮高卧閉柴門

林下松菊二友

解組爲寒士荷鋤學老農田園多寂寞心跡自  
從容冷淡憐幽菊孤高羨古松相依惟二友三

徑絕塵踪

幽棲

建昌堪寄老  
削跡得天然  
鋤草開三徑  
搜囊理舊編  
白雲封列岫  
碧水遶圭田  
遂我幽棲志  
機忘不計年

東山別墅

白髮成真隱  
青山待吾棲  
雲深樵徑合  
蘆窰釣舟迷  
古渡行人絕  
荒原牧馬嘶  
晚來茅屋月  
閒照覓詩題

老況

病尚耽經史老宜更固窮  
甌空無宿米室靜有清風  
何用出人表惟當執厥中天心  
猶可見大道古今同

別墅閒吟

濟世慚無策歸林喜不材  
室從山畔築門向水邊開  
建壑梁爲徑灤溪石作臺  
窈冥人不到惟羨白鷗來

東山別墅

移宅盧龍日漁樵問老儒但知名是隱豈解意  
如愚山水酬詩興襟懷付病軀靜中天地濶一  
杖任吾扶

白髮自况

吐言超衆論白髮更何爲愚劣隨成隱疲癯轉  
自怡榻穿偏攪卷日暖偶編籬以此閒消遣無  
須世外思

雜詠

東山高卧久歲月任蹉跎石上橫琴坐花間聽



鳥歌會心不在遠得趣豈須多一杖隨吾適觀  
空意若何

其二

久負經綸志而今鬢髮衰捲簾因看月覓句偶  
啣杯孤鶴宜獨立羣鴉莫更猜養生當守拙樗  
木復何材

慨昔

介石松心吏勞謙鶴髮翁囊籌資勝莫天道祐  
孤忠操築思巖老垂綸感渭公幸逢

堯舜日高枕卧林風

北窗漫詠

杜門經十載聊爾息疲癯已笑驅鷄吏寧希失  
馬翁椽非尋槁竹琴偶用焦桐高卧北窗下長  
吟心自空

偶成

地僻人非隱年衰氣尚雄縱懷未了志已作白  
頭翁自得惟高枕酬

恩豈計功

聖朝容老病閉戶意何窮

草堂閒况

忘情經半世守道樂餘年  
心事東流水生涯北郭田  
年衰披久敝木榻坐還穿  
何用瞿瞿屢茅齋自可眠

遣悶

丹心雖尚在七十復何爲  
白首惟扶杖青山漫採芝  
看花常坐石對月偶題詩  
此即寰中樂何須物外思

一 城市山林

城市希高隱脫冠似逸民此心無一物何處有  
囂塵梁上惟巢燕門前寡客輪如將林壑意供  
我靜中身

有感

卧病歸林久擁衾出戶遲窮通惟自試甘苦更  
誰知抗疏心空切守身自不移平生耽直慙得  
失復何思

其二

卷一 詩 金 二  
世事渾如夢行藏祇自知曾經久磨礪幸得不  
磷緇心與青山固情因白髮移已忘花鳥趣那  
解歲寒時

金應枚見過

林下耽幽趣閒中玩物華刺投驚遠客邀入識  
通家春茗方吟竈秋園正吐花清談移落日心  
曠即烟霞

漫成

心非輕俗輩跡豈異羣倫稜角悲新器磷緇感

寫人括囊應謝客伏枕不知春一任風霜易昏  
昏寄此身

敬一堂詩鈔

卷六

王言有言

士

敬一堂詩鈔卷六